



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 54. Principes, atque Illustres hoc anno defuncti.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII. A. C. 1721. tatus decubuit, tandem vero sibi red-  
ditus, atque Ecclesiæ Sacramentis im-  
munitus, die decima tertia ejusdem  
Mensis Apostolici laboris mercedem in  
cælis recepturus, obiit, sepultus in Ec-  
clesia sua Metropolitana. Successerunt  
eidem in Archiepiscopatu Armandus  
Julius de Rohan Guimené.

## §. LIV.

*Principes, atque Illustres hoc anno  
defuncti.*

*Hist. Univ.  
Period. II.  
c. 4. p. 723.*

**I**nter Principes hoc anno denatos re-  
censentur sequentes, Ludovica De-  
niæ Regina nata Ducissa Megalopolita-  
no-Gustraviensis, quæ anno ætatis  
suæ quinquagesimo quarto naturæ de-  
bitum solvit. Die vigesima quarta e-  
jusdem Mensis Michael S. R. J. Prin-  
ceps Esterhasius de Galantha &c. an-  
nos natus quadraginta novem, quem  
morte subsequēbatur Josephus Ester-  
hasius pro pace Hungariæ Regno red-  
denda semper occupatissimus. Die  
decima quarta Martii Dux Buchingha-  
mius Anglus, qui hoc epitaphium suo  
tumulo inscribi iussit: *Pro Rege sæpe,  
pro Republica semper, Dubius, non impro-  
bus vixi. Incertus nec perturbatus morior,  
Christum adveneror, in Deo confido æter-  
no, ac omnipotente. Ens Entium misere-*

*rere mei!* Hæc inscriptio seu fidei confes-  
 sio Christiano Viro indigna tantopere  
 Anglis displicuit, ut eam ad perpetuam  
 Anglici nominis offensionem omnium  
 oculis exponere cunctarentur, veriti,  
 ne inde confirmarentur non pauci in ea  
 opinione, qua Angliæ Proceres de re-  
 ligione parum solliciti eam potius ad  
 privati commodi rationes, quam Chri-  
 stianæ fidei regulas dimetiri creduntur:  
 Die decima Maij anno ætatis septua-  
 gesimo quarto mortalis vitæ cursum  
 consummavit Christianus Guilielmus  
 S. R. J. Princeps de Schwarzburg, cui  
 successit ejus Filius Güntherus; die  
 decima septima Junii Philippus Hasso-  
 Castellanus Landgravius, qui apoplexia  
 tactus in thermis Aquisgranensibus de-  
 cessit. In Polonia Mense Augusto Sta-  
 nislaus Szembeck Regni Primas, cui  
 Episcopus Warmiensis nomine Poto-  
 ckius successit: eodem tempore suo  
 Primati Episcopus Culmensis ad æterni-  
 tatis iter socium sese adjunxit. Die nona  
 Septembris Elisabetha Dorothea Hasso-  
 Hamburgensis Landgravia annos uata  
 quadraginta quinque in puerperio de-  
 cessit: die duodecima ejusdem Mensis  
 Parisiis obiit Margaretha Ludovica Du-  
 cis Aurelianensis Filia, Magni Etruriæ  
 Ducis Cosmi III. Medicæi uxor, Godo-  
 fredus Mauritius de la Tour Dux Bul-  
 lionius,

Sæc. XVIII.  
 A. C. 1721.

Sæc. XVIII. lionius, die vigesima prima Septembris Thomas Bonaventura Gherardicus Archiepiscopus Florentinus anno ætatis sexagesimo octavo; die quinta Octobris Episcopus Laudunensis, & die nona ejusdem Mensis Daubignius Archiepiscopus Rothomagensis, & Gambanus Episcopus Telesenus, die vigesima septima Octobris mortalitatem exiit Georgius Augustus Princeps Nassovio - Idsteinus anno ætatis quinquagesimo septimo, Vienna Antonius Florianus Princeps de Liechtenstein, Romæ Princeps Æmilius Altierius, ex fratre Clementis X. Papæ Nepos: Marchionissa de Ruffrano anno nata septuaginta octo, Maximilianus de Hornich Princeps & Abbas Corbeia in Saxonia, cui die decima octava Januarii successit Carolus de Plitters de Colonia Mense Decembri obiit septuagenaria Amalia Sophia Comitissa Palatino - Sulzbacensis, Monialis Carmelitana Discalceata. Denique Constantinopoli Amurathes Imperatoris Turcici Filius natu minimus vivis ereptus est & Petroburgi Princeps Senior Gagelinus Siberiæ Gubernator, qui ex patibulo holosericis nigris vestito in publico foro suspensus periit; Gubernator autem Generalis Ægypti nomine Konziou Aly Bassa, jussu Imperatoris Ottomanici capite plexus est, cujus tamen

necem Ægyptii vicissim ulturi, Gubernatorem novum ad se Constantinopoli missum in vincula conjecerant: tandem vero sedato tumultu Mehemet Bassa Candixæ Gubernator, huic Provinciæ subrogatus est.

Sæc. XVIII.  
A. C. 1721.

§. LV.

*Scriptorum Ecclesiasticorum mors, & opera.*

Scriptorum, qui se libris in lucem editis, iisque præclaris posteritati commendarunt, hocque anno decesserunt, memoria certe non est oblitteranda, nec delenda: Hos inter primo loco recenseri meretur Petrus Coustant Benedictinus ex Congregatione S. Mauri Decanus Abbatix S. Germani de Pratis, qui impellente Mabillonio novam operum S. Hilarii Pictaviensis Episcopi editionem adornavit, atque eruditissima, & proluxa præfatione auxit: Insuper in editione operum S. Augustini doctissimam crisin de Eiusdem sermonibus, aliisque supposititiis tractatibus adjecit. Postquam vero P. Germonius Jesuita librum P. Mabillonii de *re diplomatica* necnon Regulas, ex quibus supposititia a veris monumentis discerni possent, impugnasset, Coustantius in Mabillonii defensionem edidit vindicias manuscri-

Holberg.  
Hist. Eccl.  
t. 4. p. 319.  
327.  
Le Cerf Bibl.  
des Auth.  
pag. 62.  
Dupin Bibl.  
nou. t. 18.

Hist. Eccles. Tom. LXXI. R pto-